

Heinrich Christoph Grießheim von Victor Rabe

Disputatio Feudalis De Cucurbitatione

Rostochii: Ferberus, 1619

<http://purl.uni-rostock.de/rosdok/ppn730636046>

Druck Freier  Zugang



Prac.
Griesheim - Rabe. Vert.
1619.

DISPUTATIO FEUDALIS

De

15

CUCURBITATIONE

Quam

DIVINA GRATIA FAVENTE

In Illustri Rosarum Academia

SUB PRÆSIDIO

HEINRICI CHRISTOPHORI

à Griesheim/ Equit. Thuring.

Privatim defendet

VICTOR Kabe/ Eques Megapolit.

Ad diem 30. Decemb.

Sonsbecius de feudis parte 12. n. 32.

Sunt fuci, & ignavi plurimi Mariti, qui ubiq³ uxores catillatum mittunt, & non raro cucurbitationis causa existunt.

ROSTOCHIJ

Per Augustinum Ferberum, Anno 1619.

13

CONCLUSIO I.

Juris feudalis conditores non absq; ratione constitue-
runt, ut Vasallus, qui stuprum intulisset domini uxori,
filix, nepti ex filio, nurui, sorori &c. feudum amitteret
§. *item si fidelis t. v. l. i. f. Et. 17. l. i. f. t. 21. l. i. f.*
§. *rursus t. 24. l. 2. f. t. 57. l. 2. f.* Siquidem domino,
marito, gravius nihil accidere, nec mors ipsa acerbior esse
posset *l. isti quidem, 8. § quod si 2. ff. Quod metus causa, Ro-*
senthal. c. 10. concl. 27. n. 2. de Feud. Schenck in d. §. item
si fidelis n. 3. Et tam marito, quam familix ejus, gravis &
atrox injuria inferri dicitur *l. 2. §. penult. l. miles 11. §.*
3. ff. ad l. Jul de Adulter.

2. Omnes autem istas libidinum impuritates, Feudistæ
uno communi verbo cucurbitandi complexi sunt,
quod Barbarum vocat *Zaf. de feud. p. 10. n. 24.* Et sanè à
Longobardis repetendum erit, qui curbitam pro stupro
& infamia usurparunt. Unde cucurbitam dicebant, virum
uxoris adulterio infamem, quem etiam argam appella-
bant; Quæ vox à Græco ἀργός deducta videtur, quasi qui e-
jusmodi contumeliam paritur, sit ignavus, iners, se gnis,
stupidus. *Hotom. in Lexico feud. Rittersh. in suis partit. feu-*
dal L. 2. c. v. q. 92. hanc vocabuli hujus rationem assignat,
quod, qui hoc flagitiū perpetrare audet, in personas tam
conjunctas domino, is eum habeat pro homine inerte,
quasi, qui pro capite habeat cucurbitam, & peponem
loco cordis. Itali vulgari lingua cornutum vocant eum,
qui sublessorem paritur sui matrimonij, suæq; uxoris est
leno;

leno; Germani nominant *einen Hahnrey*/ & econtrâ eum qui primas partes apud amicam tenet, appellant *Hahn im Korb*. *Taubman. in comment. ad Mœnech. Plaut. Act. 2. Sc. 3. p. 602.* Ab hoc vocabulo segregandum est vicinum illud *Hanerich*/ vel *Hanenrich*/ quod Gallorum divitem significat, *vide Altham. in Etymolog. Cymbr. l. H ubi addit.* Herulorum regem ita fuisse vocatum.

3. Sed non solum Vasallus feudo privatur, qui cum uxore domini concubuit, sed etiam, qui, ut cum eâ concuberet, se exercuit, vel si turpiter cum ea luserit, quod intelligetis, manum in sinum ejus inferendo, aut mamillas & fœmora attingendo, *videl. 2. legum Longobardicarum t. 54 l. 16. d. §.* Item si fidelis, *Sibi gl. Hotoman. Cujacium atq; Schenck. Baron. Sonsbec. de feud. p. 12. n. 24.* Huc itaq; applicandi, *ex Plauti Pseudolo Act. 1. Sc. 1. joci, ludi, sermones, suaves suaviationes, compressiones arctæ amantum comparum, molles morfiunculæ, Papillarum horridularum oppressiunculæ &c.* Et in specie de tactu notandus versiculus ab *Accursio* & *Hostiensi* usurpatus:

Ni fugias tactus, vix evitabitur actus.

4. Quid dicendum de osculo? Sanè exemplum turpis lusus & in hoc ponunt *Menoch de arbitr. jud. quest. l. 2. casu 267 Rittersh. d. l. q. 95. Bocer Cl. V. disp. 20. th 43. Ult. l. 1. c. 11. n. 31. Borch. de Feud. c. 8. n. 98.* Si scilicet sit impudicum & luxuriosum. Unde *Taubman.* osculum vocat adulterij præmium: *Et Angelus fctus* vocat oscula, libidinis quædam antecænia. *Unde Borchold d. l. n. 99.*

osculum esse dicit proximum à coïtu, & inter quinq; lineas amoris quarto loco constitui. Quo referendus notus versiculus:

Visus & alloquium, tactus, post oscula factum.

Et *Ovid. in lib. de arte amandi*:

Oscula qui sumsit, si non & cætera sumsit,

Hæc quoq; quæ data sunt, perdere dignus erat.

Hicq; etiam recensenda verba insani cujusdam amatoris, ad eam, quam amat, & qua potiri cupit: Beatus est, qui te aspicit, at ter beatus, si audiat, & semi Deus dato osculo, Deus dato usu corporis. *Et secundum Zabell. exercitat. feud. 8. th. 6.* oscula sunt officiorum, basia pudicorum affectuum, suavia libidinum, & amorum. Apud Gallos tamen, & his viciniore Germaniæ quosdam populos, osculum est signum benevolentiae. Hucq; illud vulgare referendum:

Ne satyrisce tunc; rem ajunt esse oscula inanem,

Et facie abluta tolluntur, & oscula sputo.

Ita etiam clericus alienam uxorem deosculans, olim præsumebatur id facere, causa inprimendæ benedictionis, vel ad pœnitentiam exhortandi, *gl. in cap absit, in verb sinistrum II. q 3.* sed olim, inquam, hodie non sic. Nam Clerici ob malè servatam fidem, tantum fidei amplius non habent, nec solus cum sola in angulo, præsumitur esse angelus, aut orare pater noster, Si tamen juvenis præ nimio amore puellæ osculū dederit, mirius puniri debet, amor enim furoris est species. Unde Pisistratus Atheniensium ty-

rannus

rannus, cum adolescens quidam amore filix ejus, virginis accensus, in publico obviam sibi factam, osculatus esset, hortante uxore, ut ab eo capitale supplicium sumeret, respondit, si eos, qui nos amant, interficiemus, quid ijs faciemus, quibus odio sumus *Valer. Maximus L. v. c. 1.*

5. Præterea si Vasallus litteris amatorijs missis, aut illecebris munusculorum uxoris dominicæ pudicitiam sollicitasset, familiam & custodes corrupisset, alijsq; omnibus strophis, ad expugnandam ejus amicitiam usus fuisset, feudo indignus erit *l. 5. C. de Episcop. & Cler. Schenck d. l. Rittersh. q. 96.*

6. Quid si non ipse Vasallus uxorem domini, cæterasq; personas impuravit, sed alteri id facienti opem tulerit? *Sonsb d. l. n 27. Baldus in d. §. item si fidelis, Zas. de feud. p. 10 n 27 affirmant, authores & fautores eadē penā esse plectendos per l. 9 ff Ad l. Jul. de adulter. §. præterea t. 24. l. 2. F ubi, si domino periculum, vel damnum græve imminens denunciare desinit Vasallus, feudo privatur.* Et sicut sublati receptatoribus non essent fures & latrones; Ita nec adulteri tam crebri forent, aut certè non diu laterent, si non essent lenones, & sequestri Veneris, atq; emissarij, quos eleganter quidem accipitres mulierum appellarūt.

7. Verum si Vasallus ignorans, cum domini uxore concumberet, quia forte uxor impudica, in domum Vasalli juvenis, personata, sub larva aut cucullo tecta, intraverat, tunc enim Vasallus ignorans si fraus non subsit, excusabitur *cap. in lectum 34. q. 2. Zas. d. l.*

A 3

8. Simi-

8. Similiter si Vasallus sua sponte ab exercitio isto illicito, & turpi proposito, pænitentia ductus, destiterit, cum potuisset propositum perficere, à poenà caducitatis excusabitur: secus est, si ad alijs impeditus abstinuerit, 2 *af. d. n.* 27. per §. *si voluerit t. 51. l. 2. F. Schenck Baro in §. item si fidelis n. 12. Rittersh. d. l. q. 93. Bocer. d. l. th 46.*

9. Hoc est controversæ quæstionis, an Vasallus etiam amittat feudum, si domini viduam stupraverit? *Rosenth. de feud. c. x. concl. 27. Schrad. de feud. p. 9 c. 2. n. 5. Andr. de Ifern. Feudist Evang. summus, Alvar. præposit & Matth. de afflict. ad §. 1. c. 1. quib. mod. feud. amitt. Zas p. 10. n. 27. Clar. l. 4 sentent. §. Feudum q. 48. Rittersh. d. l. q. 103. Borch. d. l. n. 96. ubi dicit, viduam domini esse vivam imaginem mariti defuncti, conclusionem affirmativam defendunt, Sed nos negativam opinionem amplectimur per expr. text. in §. fin. t. 21. l. 1. F. ibi, vel si concubuerit cum uxore sui domini, DOMINO VIVENTE. Et ita rectè statuunt Bald. in d. §. finali, Schenck. ad d. §. item si fidelis n. 5. & 6. ubi, si, inquit, per nuptias esse desinunt vidua, quod fuerunt, longè magis esse desinent per illicitos congressus, Sonsb. d. p. 12. n. 16 Eguin. Baro l. 3. de benefic. c. 3 Vult d. c. 11 n. 31. §. Quid de vidua domini, Bocer. d. l. th. 56. 2. Abel. d. concl. vi. l. a.*

10. Quid igitur dicendū de matre domini? Sanè qui huic stuprum intulerit, absq; dubio pænā amissionis pati cogitur, per d. §. item si fidelis t. v. l. 1. F. ubi is, qui cū sorore domini concubuerit, feudo indignus censetur; E. multò magis, qui cum matre, *vid. Rittersh. d. l. q. 106. Bocerū d. l. n. 52. Disß. Eguin Baro, & Sonsb. dd. loc.*

II. Quod

11. Quod de matre jam est dictum, id etiã ad sponsam domini est applicandũ *l. 13. §. divi ff. de adult. l. 7. C. eod. l. 15. §. 24 ff. de injur. Rittersb. d. l. q. 102. Bocer. d. l. n. 51. Schrad. d. c. 2. n. 12. Echenet Baro d. l. n. 7. Goth. Anton. disp. 11. th. v. l. b.*

12. Neq; solummodo Vasallus feudo suo privatur, si cui-
dam ex personis prædictis nolenti & invitæ, sed & si vo-
lenti vitium obtulerit, *l. 1. §. usq; adeo §. l. si quis servum*
26. ff. de injur. Alvarot. in d. §. item si fidelis n. 2 Curt. Jun.
p. 4. n. 20. Zas. §. Sonsb. d. l. Vult d. n. 31. Echer & Baro d.
l. n. 2. Bocer. d. l. n. 54. Schrad. d. c. 2. n. 19 Gothof Anton. d.
th. v. l. G. Schoner. l. 1. disp. feodal. disp. x. concl. 64 l. a.

13. Quid si prædictæ personæ sint publicæ meretrices?
Sanè communis opinio, in hisce etiam privatione, suũ
vigorem retinere, statuit. *vid. Ifern. in d. §. item si fidelis,*
Sibid Matth de afflict. Curt. Jun. p. 4. n. 23 Motz. n. 46.
Rittersb. d. l. q. 100. Vult. d. n. 31. Schrad. d. l. n. 19. Schoner.
d. th. 64. l. B. Sed nos negamus, hoc casu panam priva-
tionis posse locum obtinere cum clarissimo Jcto Hein-
rico Bocero, quem *vide in d. disp. 20. concl. 55. 1.* quia in me-
retrice neq; adulterij, neq; stupri crimen committitur *l.*
si ea 22. C. h. t. vid. etiam Tertul. in lib. de cultu fem. c. 2. ubi
appellat meretrices infelicissimas victimas publicarum
libidinum.

14. Sed non placet Bocer. *d. l. th. 58.* ubi propterea eti-
am vasallum amittere feudum statuit, quando dominæ
pedissequam stupro cognoverit; Hancq; sententiam e-
tiam

tiam probat *Rittersb. d. l. n. 105.* Profecto si hæc sententia esset vera, exclamarem cum *Zasio de feud. p. 10. n. 69.* Rem esse lubricam, esse Vasallum, nec magnopere expectandam. Interim meritò amplectimur negativam opinionem, quam etiam defendunt. *And. de Ifern. ad d. t. v. l. 1. F. Curt. Jun. de feud. p. 1v. n. 22. Sonsb. d. p. 12. n. 22. Gothof. Anton. dicto loco! F.*


15. De concubina Domini potius crederem, si quibusdam in locis concubinatus sit in usu, quod qui hanc stupraverit, feudo indignus censeretur. *vid. Rittersb. d. l. n. 104.*

16. De sorore domini ultima nostra sit quæstio, an qui hanc maculaverit, huic pænæ subjectus sit? Et sanè *ext. n. v. §. item si fidelis l. 1. F. & §. rursus t. 24 l. 2. F.* dicendum, quod sic, modò in domo domini fratris maneat, vel in capillo: Dictum autem terminum in domo manere, cum *Dno. Vult. d. l.* intelligimus non de corporali mansione, sed de jure familiæ: Jus autem familiæ non ad certas quasdam ædeis restringitur, sed personam, ubi est comitatur; De sequenti termino in capillo esse, vide *Hottom. in Lexico feudali*, ubi observavit ex legibus Longobardorum, & constitutionibus Neapolitanis, fuisse apud antiquos hanc consuetudinem, ut novæ nuptæ crines solverent, qui mos adhuc hodiè in quibusdã Germaniæ civitatibus, etiam in paranymphis virginibus nrsurpatur.

Ad Lectorem.

Hæc quæ de perjurandâ hæc materiâ, Benevole Lector, brevissimè conscripsimus, ut in primam partem accipiantur, summo perè rogamus: Nobis hoc solummodo fuit propositum, ut studiosæ inventuti, quasi per indicem monstraremus juris Feudalis delicias.





the scale towards document

matre jam est dictum, id etiã ad sponsam
candũ *l. 13. §. diviff. de adult. l. 7. C. eod.*
injur. Rittersh. d. l. q. 102. Bocer. d. l. n. 51.
2. Schenck Baro d. l. n. 7. Goth. Anton.

modò Vasallus feudo suo privatur, si cui-
prædictis nolenti & invitæ, sed & si vo-
luerit, *l. 1. §. usq; adeò Gl. si quis servum*
varot. in d. §. item si fidelis n. 2 Curt. Jun.
Sonsb. d. l. Vult d. n. 31. Eder & Baro d.
54. Schrad. d. c. 2. n. 19 Gothof Anton. d.
er. l. 1. disp. feudal. disp. x. concl. 64 l. a.
dictæ personæ sint publicæ meretrices?
s opinio, in hisce etiam privatione, suũ
re, statuit. *vid. Ifern. in d. §. item si fidelis,*
e afflict. Curt. Jun. p. 4. n. 23 Motz. n. 46.
10. Vult. d. n. 31. Schrad. d. l. n. 19. Schoner.
ed nos negamus, hoc casu pænam priva-
am obtinere cum clarissimo Jcto Hein-
vide *in d. disp. 20. concl. 55. 1. quia in me-*
lterij, neq; stupri crimen committitur *l.*
d. etiam Tertul. in lib. de cultu fem c. 2. ubi
trices infelicissimas victimas publicarum

placet *Bocer. d. l. th. 58. ubi propterea eti-*
mittere feudum statuit, quando dominae
apro cognoverit; Hancq; sententiam e-
tiam

976